



# Kommuneqarfik Sermersooq

Nuuk juunip aappaat 2017

## Isumaqatigiissut

### Nunaqarfinni aqutsisut siulittaasui Borgmesterillu akornani

Isumaqatigiissummi pineqarpoq Nunaqarfinni aqutsisut siulittaasui aammalu Borgmesteri ataatsimiittassasut paaseqatigiinneq attaveqatigiinnerlu pingaartillugit.

Ataatsimiinnerit ukiumut sisamariarlutik ingerlanneqartassapput, ajornanngippat qaammatit pingasukkaarlugit ataatsimiinneq inissinneqartassaaq. Immikkut ittumik pisoqartillugu ataatsimiittoqarsinnaanera periarfissaavoq. Ataatsimiinnernit sisamanit sapinngisaq naapertorlugu ataaseq naapeqatigiilluni ataatsimiiffiusassaaq, sinneri pingasut oqarasuaatikku ingerlanneqartassapput.

Borgmesterip Nunaqarfinnilu aqutsisut siulittaasuisa ataatsimiittarnerat Kommunalbestyrelsip Nunaqarfinnilu aqutsisut politikikkut suleqatigiinnissaannik isumaqatigiissutaannut tunaartaassaaq immikkulli ingerlanneqartassalluni.

#### Siunertat:

- Paaseqatigiiffiusumik oqaloqatigiinneq
- Piffimmi pisunik ilisimatitseqatigiinneq
- Pisunik eqqartueqatigiinneq
- Politikikkut sulianik oqallinneq ilisimatsiteqatigiinnerlu
- Pisariaqavitsillugu suliaassanik ingerlatsiteqqiineq

Ataatsimiinnissaq ullunik arfineq-marlunnik sioqqullugu oqaluuserisassat nassiussuunneqartassapput. Ataatsimiinnerit naammassigaangata imaqarniliaq suliarineqartassaaq peqataasunullu ullut qulit qaangiutsinnagit nassiussuunneqarluni. Oqaluuserisassat imaqarniliaallu Borgmesterip allatseqarfianiit isumagineqartassapput.

Isumaqatigiissut qinersiffimmi 2017-2021-imi atuuffeqassaaq.

Arsuk  
Niels Peter Mikaelson

Qeqertarsuatsiaat/ Kapisillit  
Mánassinguak Noahsen

Kuummiit/Sermiligaaq  
Peter Nathanielsen

Kulusuk/Tiilerilaaq/Isertoq  
Justus Poulsen

Asii Chemnitz Narup  
Borgmester